



बच्चा के काणे बाइबल
परस्तुति

जद परमात्मा
न सगली चीजां के
ताई बणायों



लिखबा हालो: Edward Hughes
व्याख्या करबा हालो: Byron Unger; Lazarus; Alastair P.
रूपान्तर करबा हालो: Bob Davies; Tammy S.
अनुवाद करबा हालो: Bro. Warrington E. Lal
परस्तुत करबा हालो: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2021 Bible for Children, Inc.


लाइसेन्स – थे या कहाणियां की फोटू कापी अर छापाई को काम करवा
सको छे पण यक शरत छे कि इके ताई बेचेगा कोइने ।



आपणे ताई खिने बणायो ? धरमदारु बाईबल में परमात्मा बतावे
छे क कस्या मनख ई धरती उपरे आयो । घना दना पहेलिया की
बातां छे क परमात्मा न पहलो पहलो मनख बणायो उंको नाम
आदम रख्यो ।




परमात्मा ने उं आदम के ताई ई धरती की माटी सूं बणाव्यो अर
फैर आपणो स्वांस उमें फूंक्यो अर वूं जीवतो मनख बणी ग्यो । फैर
उने लेयी जाई न एक छोको सुंदर बाग में रखाणियों उं बाग नो
नाम अदन नो बाग छौ ।




परमात्मा ने आदम के ताई बाणाबां सूं पहेली उने इ धरती न बणार
इके माय आच्छी आच्छी अर सुंदर संदर चीजां भर दी, धीरां धीरां
उंने इ धरती में उंचा उंचा मगरा की नाई पहाड, हरी हरी घास ना
मैदान, लांबा लांबा रूंखडा, अर खसबू देबा हाला फूल सुनहरा पंखा
हाली चडिया, भण भण करबा हाली शहद नी मारख्या, बडा बडा
मगर माछला,


चिकणा चिकणा घूंगा
बणाया ।




जे भी ई धरती पर दिखे है सांचाई सगली चीजां परमात्मा ने
बणायी है ।




पहेली पहेली बगत जद
परमात्मा ने दनिया नी रचना
करी तो इ धरती के माई न
तो मनख छो न कोई चीज न
कणी ठाम थी एकलो परमात्मा
ही छो । न परकास छो
न अनधेरो, न उंची
ठाम थी न नीची,
अर न आज छो
न काल । एकलो
परमात्मा ही छो जिने
काम करबो शरू करयो
अर या धरती राची । पहेली
पहेली बगत परमात्मा न सरग
अर धरती के ताई रच्यो ।




धरती को काँई भी रूप
कोयने छो सैदी ठोरा
कालो स्याहा अंधेरो
छो । पहली बगत
में परमात्मा ने
उज्यालो
करयो ।




अर उज्यालो होता ही परमात्मा ने उज्याला के तई दन अर
अधियारा के तई रात खी । ई तरह सूं पहलो दन होई गयो ।




दूजे दन परमात्मा न सरग क नीचे पाणी ही पाणी भेलो कर बडा
बडा समन्दर अर खाडिया बणा दी । तीसरे दन परमात्मा न सूखी
जमीन भी बणायी अर अवे होईग्यो ।




परमात्मा क खैबा सूं हरि हरि घास चोखा चोखा फूल, झाड
झंकाड अर रखडा दरवायी देबा लाग्या
अर तीसरो दन होई गयो ।




इने पाछे परमात्मा न सूरज, चांद अर
घणा सारा तारा बणाया जाणे कोई गण
कोइनी सके छै फेर तडको अर संध्या
बणा दी इ तरह चौथो दन होई गयो ।



परमात्मा की लस्ट में अब
दूसरी चीजां थी समन्दर
ना प्राणी बडा बडा मगर
माच्छला अर चिडी-कांवला ।
पांचवा दन उने घणा बडा बडा
माच्छला नेनया नेनया जल का
जीव व परखेरू, लांबा लांबा पगा
हाला कांवला नेनया नेनया चिडी
चुडगला बणाया । परमात्मा ने
घणां भारी भरकम मगर माच्छला
बणार समन्दर मे भर दिया । अर
आकाक्ष में मजा लेबा के कारणे
उडबा हाला परखेरू बणाया । फेर
संध्या हुयी फेर तडको होग्यो
इसूं पांचवो दन होई ग्यो ।




ई क बाद परमात्मा न खी क घरती उपरे दुसरा दुसरा जीव जन्तु भी बणाबो चाईजे । सैदी जात का जानवर, कीडां मकोडां जमीन प रेंगबा हाला सांप-सलीटा बणाया, धरती न डोलाबा हाला बडा बडा हाथी, उदबिलाव, उच्छल कूद करबा हाला बांदरा, मोटा मोटा मगर-माच्छला, कीट पतंगा, टेहलकडियां लांबा लाबां कठ हाला जिराफ, म्याउ म्याउ करबा हाली बल्लियां । ई तरिया परमात्मा न सैदा जीव जन्तु बणाया । फेर संख्या ओर तडको होयो अर छठो दन होई गयो ।




परमात्मा न छठा दन अस्यो काम करयो क सांचाई सोचबा हाली
बात छै । उने मनख के काणे सैदी चीजां तियार कर दी । खाबा
के काणे धरती क उपरे अन्न, अर सेवा करबा के कारणे जानवर ।

परमात्मा न ख्यो क अब मनख न
म्हा आपणी सूत अर रूप में
बणावां अर उने धरती की सैदा
जीव जन्तुआं नो मालक बणाई
न बैठावां । अर परमात्मा न
मनख क ताई आपणा
रूप में बणायो ।



परमात्मा ने आदम सू खी
क ई बाग में राजी खुदी
सूं रिजो और जे थारी
इच्छा हो अर आच्छी
लागे उने खाजो पण
आच्छा-बरा न ज्ञान का
रुखडा को फल कधी भी
मत खाज्यो । जद थाणे
इ रुखडा को फल जी
दन खा लियो उडे टेम
सरग सिधार जावेगा ।




परमात्मा न सोची के मनख के ताई अकलो रहबो चोरखो कोयने मूं
इके काणे ऐक भाईलो-भाईली बणाउंगो । फेर परमात्मा सैदा परखेरु
चिडी-कावंला ओर जानवरा के ताई उके गोडे
लेर आव्यो । आदम ने वां सैदान का नाम
राख्या । यो काम तो वांने घणी चतराई से
करयो पण वां परखेरु ओर जानवरां में
एक भी समझ म न आयो जे उंको
भाईलो-भाईली बणर रह सके ।



परमात्मा ने आदम के
ताई मरयां के नाई नद्रा
में पटक दियो अर नद्रा
मे ही उकी एक पासली
खाडरर उ पासली सूं
एक लुगाई बणाई दी
अर परमात्मा न जी
लुगाई के ताई बणायो
थो वा उंकी चौखी
भाईली बणी गयी ।



यो छः दना में परमात्मा ने सैदी चीजां बणा दी फेर
परमात्मा ने सातवा दन न तई आर्दिवाद देरर छुट्टी
रखाणी । अदन का बाग में आदम ओर वां लुगाई
जिको नाम हव्वा थो राजी खुद्दी से रहबा लाग्या ।
परमात्मा वांको परभू थो वे उके ताई दाता
अर भाईलो मानरर रहवे छा ।



जद परमात्मा न सगली चीजां के ताई बणायो

बाइबल सूं परमात्मा की वाणी में कहाणी


मे पायो गियो

उत्पति 1-2


“जे आपणा जीवन में उजालो करे छे ।”

भजन 119:130





1



60



बाईबल की या कहाणी आपणे तांइ बतरावे छै क
परमात्मा जिने आपणे तांइ बणायो, वू चावे छै क आपण उके तांइ जाणा ।

परमात्मा जाणे छै क जे जे गुनाह अर गलत काम आपण करां छा उने वू
पाप माने छै अर पापा री सजा मौत छै । परमात्मा आपण सू अतरो प्रेम करे छै कि
उने आपणो एकलो बेटो यीक्षु मसीह न इ दनियां में खंदायो क उ सूली पर चढर
आपणा पापा री सजा भुगते । यीक्षु मरबा बाद पाछो जीवतो होय गयो अर सरग में
अपणा घर माई नार बैठ गयो । जद थे यीक्षु परभू पै बसवास करो अर आपणा पापा
री छमा उसे मांगो त वू थांकी अरज सूणी न थांके मायने रहवेगो अर
थे भी उके लारां सदा बणियां रहोगा ।

यदि थांने या बसवास छै क या बाता सैदी सांची छै तो परमात्मा सू या बात रखे :
प्यारा यीक्षु मने बसवास छै क थे ही परमात्मा छो अर मनख बणी ने इ धरती
माइने अवतार लेई न पधारिया, थाने म्हारा पापा रा खातर आपणी मौत री सजा
भुगती अर थे पाछे जिन्दा होई गया अब मूं थांसू अरज करू छू क थे म्हारी जीवण
जेवडी मई आर म्हारा पापा न छमा करो ताकि म्हने नवो जीवण मल सके अर मूं
हमेसा हमेसा थांके लारा लारा चाल संकू । परभू यीक्षु म्हारी मदद करो क म्हूं थारी
सैदी आज्ञा न मान सकूं अर थारी संतान बणी न थारे करणे जी सकूं । आमीन

बाईबल पढो अर रोजाना परमात्मा सूं बातां करो । यूहना 3:16

